



17318

kat.komp

I

Mag. St. Dr.

P


*am. Nicola: Gratitude.*

PANEG. of VIYAB

Polon. 4<sup>e</sup>

AE 1060.









# GRATITVDO

QVAM

*Magnifico & Admodum Reuerendo Domino*

D. IACOBO VITELLIO

SACRÆ THEOLOGIÆ DOCTORI

& Professori, Canonico S. Floriani,

Collegij Vladislauiani Prouisori.

DVM

In Alma Vniuersitate Academiae Cracouien.

RECTORE eiusdem Generalis publicè

renunciaretur.



M. JOANNES NICOLAVS GASIEWSKI,

*Coll: Minor. Præceptori suo cecinit.*

---

CRACOVIAE,

Anno 1646. Die 25 Octobris.






# DEDICATIO.

**N**ON Ludouicus ego, Ioannes sim licet, Ecce  
Ludo vices latas non Ludouicus ego.  
Ludo vices latas, & ludens offero lato,  
Lato qui latum Nomen & omen habet.  
Ludo vices latas Tibi mi PRÆCEPTOR amenas  
Quas mecum ludit lata Camana vices.  
Illas illa vices Rector Tibi ludit amenas,  
Quæ de Sincero nomen amore trahunt.  
Scilicet ut viuas longos diuturnus in annos.  
Has ego nunc letus carmine ludo vices.  
Letus Magnifico de Præceptoris Honore  
Carmine quas ludo, carmine reddo vices.  
Plus cupis? Æschinis ritu me reddo Clientem.  
Me reddens, vanas non ego reddo vices.  
Socratica fuerant hæc dulcia munera menti,  
Hæc quoque ne miti mente repelle Precor.  
Suscipias Jacobe tui Joannis Amorem  
Et sis Joanni Gratia grata

P R E C O R.

173181





# GRATITVDO.

PROCEDE FELIX DVX ACADEMIÆ,  
O mens, VITELLI, O Vis mera TVLLII;

Es namq; dignus quem ministræ  
Discipulæq; sequantur vmbra.

Procede felix; dignus Apollinis  
Vehi corusco laudis in essedo,  
Quo vel Platonis Dia Vena,  
Quo vel Aristotelis triumphat.

Procede felix altiùs altiùs  
Non hic quiescat fortior impetus  
Potens tueri sparsa Regni  
Lumina lumine curioso.

Asturge promptum vulgus Apollinis  
En monstro vestris fontibus hospitem,  
Et frontibus plenum Minerua  
Nectare Sydereoq; plenum.

Huic liberali nec tremula manu,  
Cum Rex Stagiræ laudis adoream,  
Cum sceptræ donauit benignè  
Thessalicum prope cæsa Pindum.

Nunc Rector altæ Sedis, & Arbiter  
RECTORIS illum cinxit adorea  
Latèq; virtutis videndum  
Exposuit populis nitorem.

O quam quietum cuncta silentium  
Rupère nuper? Pennigeri reor  
Mulcent lyras, gaudendo nostris  
Crescere Temporibus IACOBOS.



Magnos IACOBOS, hosq; VITELLIOS  
Pares disertis Numine Tullijs,

Quorum decus claræ nitentem  
Sarmatiæ peragrabat Orbem.

Quos per labores altiùs altiùs  
Sinet virescens scandere Gloria.

Quæis nobilis cælo propinquos  
Laus super orbe struet Colossos;

PROCEDE FELIX DVX ACADEMIÆ,  
O mens VITELLI, ô Vis mera TVLLII

Procede, Quis nollit sub istis  
Plausibus ingeminare plausus.

Audisne? celsum quanta sub ætherem  
Tibi parantur gaudia, gaudia,

Lyræq; strident, & susurrant  
Cum lituis citharisq; buxi?

Orpheûsne nostas rursus adit plagas  
Aut quis suavi Vate suauior,

Vt & Cupressi Te sequantur  
Ceu comites Socijq; montes.

Rursumne Arion mulcet eburneam  
Siticuloso barbiton in mari,

Aucturus huic nobis triumphum  
Remigibus natitando squamis.

Quis quis canoram barbiton instruis,  
Huic quæso gratam barbiton eleua;

Cûi mallet Orpheûs, quam sequaci  
Fundere dulce melos cohorti.

Non



Non mallet? Quis salientibus  
Placere cantu vult mage cautibus?  
Is qui luporum, quam Bonorum  
Ora Virum, faciemq; mauult.  
Iam credis ergo? Credito quod mage,  
Orpheusne amicus Thrax mage Montibus,  
Cum quo fauentes ambulabant  
Ceui Comites Famuliue Montes.  
Et Te sequantur ceui iuga Montium  
Posthac Honorum culmina plurium,  
Ad quæ Labor, Virtus Te & Oris  
Tullius ipse parauit humor.,  
Sequatur IO quicquid ad altius  
Potest Honoris cedere præmium,  
Sequatur IO quod fouendam  
Continuare potest Salutem.,

**P**ROCEDE FELIX DVX ACADEMIÆ,  
O mens VITELLI, O Vis mera TVLLII;  
Es namq; dignus quem Camæna  
Discipulæq; vehant quadrigæ.  
Procede felix, suscipiens tamen.,  
Prægrande lætus pondus adorea  
Hanc dignitatem dignitatum.,  
Esse putans citius Parentem.,  
Qua sorte Nestor, quaq; alij Viri  
Vti videbant Secula Secula.,  
Hac vsus & Tu vel coæques  
Nestoris exuperes vel annos.



Vt mille lætus Solis agas Dies,  
Honore crescens altiùs altiùs,  
Non farre placabo, nec horna.  
Fruge DEVM, placido nec Auro.  
Quos ampliori Sors opulencia,  
Gazisq; cinxit diuitis Indiæ,  
Hi fulua pro te dent metalla.  
Dent Tagicas, Arabumq; merces.  
Ego frequentes Syderibus preces  
Nascente promam Solis origine.  
Nam sumptuosas ex egena.  
Traxit opes mihi Numen arca.  
Ego canoram barbiton instruam,  
Vt det coactis eloquium sonis  
Vt læta possit pro triumpho.  
Barbitos hæc cecinisse verba.

PROCEDE FELIX DVX ACADEMIÆ,  
O mens VITELLI o Vis mera TVLLII;  
Es namq; dignus quem ministræ  
Discipulæq; vehant Camænæ.

## IO FELIX.

VIX Tibi RECTOR veniunt Honores,  
En ego lætum fero primus IO  
Ergo Graiorum Sophe profer IO  
Tu quoq; Prime.  
Cum Patrum Te fert Pater esse Patrem,  
En ego faustum loquor imus IO,  
Ergo Graiorum Sophe profer IO  
Tuq; Secunde.



Cumq; Doctores Tibi fausta dicunt,  
En ego faustum loquor imus IO,  
Ergo Graiorum Sophe profer IO  
Tertie tuq;.

Cum Sacerdotes Tibi gratulantur.,  
En ego lætum loquor imus IO,  
Ergo Graiorum Sophe profer IO  
Tu quoq; Quarte.

Cumq; Collegæ venerantur vnum.,  
En ego lætum loquor imus IO,  
Ergo Graiorum Sophe profer IO  
Tu quoq; Quinte.

Cum Senatus Te iuuenum Salutat,  
En ego lætum loquor imus IO,  
Ergo Graiorum Sophe profer IO  
Tu quoq; Sexte.

Terna cum Matris Tibi Sceptra dantur.,  
En ego lætum loquor imus IO,  
Ergo Graiorum Sophe profer IO  
Septime Tuq;.

Quinq; post Septem reticebis IO,  
Post Sophos Septem, Sophus esto primus.  
Post Bonos, primus, bonus, Optimusq;  
Esto malorum.

Faustus vt viuas & in hoc honore  
En ego rautum fero primus IO,  
Prime Graiorum Sophe non pigrescas  
Ferretur IO.



## GRATVLATIO.

**V**T comes est vmbra semper. Phabaia lampas  
Rursum Phabaia lampadis vmbra Comes:  
Inclita sic virtus magnum comitatur honorem  
Et sic virtutem concomitatur Honor.  
Hoc in honore probas RECTOR, nam cinctus honore  
Tu Virtutis Onus, Te comitatur honor.  
Vt felix venias ad plures RECTOR honores  
Quæ das vota Deo, sint tibi Vota, ROTA.

## APPRECATIO.

**A**lter & alter honos inuito cum Tibi fertur  
Dicam, fertur honos alter & alter, Onus.  
Alter & alter onus cum dico, fors male dico:  
Parcite Grammatici, dico quod alter Onus.  
Masculi generis vires onus omne reposcit,  
Masculi generis sic sit honoris Onus.  
Alter & alter Honos vt non onus, at sit honori,  
Sitq. Tuo decori, do, fero vota Deo.  
Do fero vota Deo plures vt dentur honores  
Hoc precor, & sit honor non onus, ad quid? HONOS.

## ACCLAMATIO.

**V**T tendis precibus geminas sub Sydera palmas,  
Sic Tua Te virtus Laus super astra VEHAAT.  
Viq. colis Musas habitantes Montibus altis,  
Fama Tuum Nomen sac super astra VEHAAT.  
Dexteritate Tuâ sicut modo multa virescunt  
Sic Tu Multorum dexteritate

V I R E.




JN STEMMA ALMÆ ACADEMIÆ



Cum Tibi redduntur toties hæc Sceptra VITELLI,  
Redduntur toties hæc duo Sceptra, Cruces.  
In Cruce Sceptra manent, retinent onus hoc in honore.  
Rector adest, sed vix non crucifixus adest.  
Regia sed res est Regalia sceptra tenere.  
Regia, at in Crucibus res habet ista Cruces.  
Non mirum, fugiunt quidam quòd regia Sceptra.  
Namq; graues Sceptri sunt in Honore Cruces.

JOANNES SARTAWSKI  
Eloquentiæ in Coll: Vladislauiano  
Auditor.







Biblioteka Jagiellońska



51670009149



